

Nanzdanh: Lwgndae Baenz Mak Fouqmez Nungzminz Bouxcuengh

南丹: 柿子成为壮族农民致富果

1993 nienz, Couh Veizgen、Lungz Yenbingz doiq gvanbaz youq Nanzdanh yienhsingz haenx bae daengz ndaw yienh Luzcai Cin Manzgenj Cunh co ndoifwz 1600 lai moux, haifwz dajndaem binjungj ndei lwgndae mbouj miz ceh. Seizneix golwgndae dawzmak haenx gaenh 1000 moux, moix bi ndaej gai lwgndae 100—200 fanh gaen. Ciengz ciengq cingcinj banggunz dwkyiengj le, Couh Veizgen gvanbaz couh cujcz laebbaenz Manzgenj Yenzyi Conhyez Hozcozse, sou 31 ranz hohgunzhoj caeuq nungzhoh seiqhenz mbanj daeuj

camgya guh hong hozcozse. Dangqnaj, hohgunzhoj、nungzhoh ciengzgeiz youq aen ciengz neix guh hong haenx miz 20 lai vunz, ndwen ngaenzhong 1500—3000 maenz; guh honglaemzseiz haenx miz 80 lai vunz, gyoengq vunz neix moix ngoenz ngaenzhong 100 maenz.

(Fuz Lungzgyangz/符龙强)

► Gyoengq gunghyinz youq ndaw ciengz guhhong.



▲ Aen daizheiq dap youq ndaw byaheu raemxloeg.

Ginhsiu: Ciet Lijyouz Byanouq Yinx Hek Daeuj

金秀: 泥鳅旅游节引客来

11 nyied 24 hauh, Ginhsiu Yauzcuz Swciyen bi 2018 gaiq daihsam ciet lijyouz byanouq youq Sanhgoz Yangh Gyanghyen Cunh gawjhengz. Ngoenz haenx miz Yauzcuz yenzswnghdai vwnzyi, caemx feiz、haqsai daengj minzsuz biujyienj caeuq daejniemh yw Yauzcuz、doxidax gaeb byanouq、daejniemh “ngaiz Banzvangz” Yauzgya daengj hozdung.

Geij bi neix daeuj, Sanhgoz Yangh aeu bya raemx ma guh daizdap, vwnzva ciengqheiq, coicaenh swnghdai minzsuz、daegsaek nungzyez laebdaeb hwngfat, mbouj-duenh coicaenh nungzminz demsou baenzfouq. Mbat hozdung neix, gij swyenz funghgvangh gyaunde, daegsaek canjyez, vwnzva conzdungj Yauzcuz ronghsag haenx yinx baenz geij cien hekyouz daeuj camgya.

(Ciengj Gyanghliuz/蒋江流)



▲ Byanouq bizoiq raixcaix.

Gvangjsih Gaiq Daih'it Cietguh'angq Dijyuz Mak Angqriu Lai

广西首届水果体育嘉年华欢笑多



▲ Cietguh'angq yienhciengz.

12 nyied 1 hauh, Gvangjsih gaiq daih'it cietguh'angq diyyuz lwg-mak nem gigwn ndei daegsaek “comz yindung” byaij haeuj Gunghcwngz Yauzcuz Swciyen. Rap lwgndae、song vunz cug sam ga byaij、dat lwgndae、bau aendomq…… gyoengq Yauzcuz vunz lai daj 9 aen yangh cin ndaw yienh daeuj haenx youq ndaw doxdax diyyuz miz yinx angqhoh fungsou.

(Cwng Ciminj/郑智敏)

Dasinh: Roegdoxgap Iq Canjyez Hung

大新: 小皇鸽大产业

11 nyied 22 hauh, youq aen Gihdi Dajciengx Roegdoxgap Vanli Dasinh Yen Dauzcwngz Cin Vanlij Cunh gunghyinz cingqcaih gueng roegdoxgap. Aen gihdi neix aeu cungj vunqsik “ruzgunz cehgenh + souik ngaenzgij + faenhoengz geiqciengx + soucawx baujgyaq” bae guh. Miz Dauzcwngz Cin、Canghmingz Yangh、Vujsanh Yangh daengj 3 aen yangh cin 2466 aen hohgunzhoj geiq-ciengx roegdoxgap 38257 doiq, mizyauq daiqdoengh hohgunzhoj baenzfouq demsou.

(Liengz Gveivah/梁桂花、Hij Linzgenh/许林娟)



▲ Gunghyinz cingq gueng roegdoxgap.